

XDP

1918-yil
21-iyundan chiqa
boshlagan


№31, 2023-yil
16-avgust,
chorshanba (32.777)

O'zbekiston OVOZI

Ijtimoiy-siyosiy gazeta

Birgalikda ijtimoiy davlat sari!

ҲАР БИР ТАШРИФДА ЧУҚУР МАЪНО, ҚАТЪИЙ МАҚСАД БОР



ВАЗМИН ЙИФИЛИШ



МАМЛАКАТ ЕТАКЧИСИНИНГ БИРОН МАМЛАКАТ ЁКИ ЎЗИМИЗДАГИ ҲУДУДГА ТАШРИФИ БЕЖИЗГА БЎЛМАЙДИ. ПРЕЗИДЕНТ ЎЗБЕКИСТОН НОМИДАН ЖАҲОН ДАВЛАТЛАРИ БИЛАН МУЛОҚОТ ҚИЛАДИ, КЕНГ ҚАМРОВЛИ, КЎП ЎЛЧАМЛИ ДИПЛОМАТИК АЛОҚАЛАРНИ РИВОЖЛАНТИРАДИ, ҲАМКОРЛИК, ДЎСТЛИКНИ МУСТАҲКАМЛАЙДИ.

ДАВЛАТ РАҲБАРНИНГ ЮРТИМИЗДАГИ ҲАР БИР ҲУДУДГА ТАШРИФИДА ҲАМ ЧУҚУР МАЪНО, ҚАТЪИЙ МАҚСАД БЎЛАДИ. АЙНИҚСА, ФАРҒОНА, ТОШКЕНТ ВА БУХОРО ВИЛОЯТЛАРИГА ТАШРИФЛАР ДАВОМИДА БУТУНЛАЙ ЯНГИЧА ЁНДАШУВГА ЎТИЛДИ. БУГУНГИ МУРАККАБ ДАВР КЎЗИ БИЛАН ҚАРАГАНДА, ҲАЁТ-МАМОТ МАСАЛАЛАРИ АНИҚ БИР ҲУДУД МИСОЛИДА РЕСПУБЛИКАМИЗДАГИ БАРЧА МУТАСАДДИЛАР ГУВОҲЛИГИ ВА ИШТИРОКИДА МУҲОКАМА ҚИЛИНДИ.

5 САҲИФА

КИМЛАРГА СУБСИДИЯ АЖРАТИЛАДИ?



6 САҲИФА

ЖАМОАТЧИЛИК НАЗОРАТИ ЎРНАТИЛДИ

Нукус халқаро аэропортида ҳамкор ташкилотлар билан биргаликда амалий тадбир ташкил этилиб, унда ногиронлиги бўлган шахслар учун яратилган имкониятлар ва қулайликлар ўрганилди.

Унда Ўзбекистон Халқ демократик партияси Қорақалпоғистон Республика Кенгаши, Ўзбекистон Ноғиронлар Ассоциацияси Қорақалпоғистон Республикаси ҳудудий бўлими, Ўзбекистон нодавлат нотижорат ташкилотлари миллий ассоциацияси, "Юксалиш" умуммиллий ҳаракати, Ўзбекистон ҳакамлик суди ассоциацияси, Ўзбекистон қарлар жамияти сингари ташкилотларнинг Қорақалпоғистон Республикаси ҳудудий бўлимлари, Ўзбекистон кўзи ожизлар жамияти ва Ўзбекистон Ноғиронлар жамияти Нукус шаҳри бўлими вакиллари иштирок этди.

Ўрганиш давомида фуқаролар ўртасида саволнома тўлдирилиб, аниқланган муаммоларни бартараф этиш бўйича таклиф ва тавсиялар ишлаб чиқилди ҳамда уларни бартараф этиш юзасидан вазифалар белгилаб олинди.



2-3

МАЪНО, ҚАТЪИЙ МАҚСАД БОР



Акмал УМАРАЛИЕВ,
Ўзбекистон ХДП Тошкент вилоят кенгаши раиси:

— Жамият ўзгарди, халқимиз фикри, ҳаётга муносабати ўзгарди. Айниқса, иқтисодий тармоқларини жадал ривожлантириш ва тадбиркорликка кенг йўл очиш, янги иш ўринлари яратиш, камбағалликни қисқартириш ҳамда аҳолининг турмуш фаровонлигини ошириш, шаҳар ва қишлоқларимизни обод қилиш, юртимизнинг халқаро миқёсдаги обрў-эътиборини юксалтириш йўлида эришилаётган натижалар ҳар бир юртдошимизнинг ўзига, давлатга нисбатан талабчанлигини ҳам оширомоқда.

Давлатимиз раҳбари вилоятимизга ташрифи давомида Оҳангарон тумани, Ангрен ва Оҳангарон шаҳарларида жойлашган “Ангрен” эркин иқтисодий зонасидаги корхоналар ва янги лойиҳалар фаолияти билан танишди. Яқингача ҳам чўл ва дашт бўлган бу ерлар бугунга келиб, обод ва sanoat инфратузилмаси ривожланган ҳудудга айланмоқда. Янги имкониятларни ишга солиш орқали Оҳангарон туманида йил якунигача қўшимча 180 миллион долларлик 100 та лойиҳа бошланиши кутилмоқда.

Умуман, Тошкент вилоятида ишларни самарали ташкил қилиш орқали йил якунигача қадар 2 миллиард долларлик лойиҳаларни бошлаш, бюджетга қўшимча 1 триллион сўм тушириш учун барча имкониятлар борлиги қайд этилди.

Шунингдек, Тошкент вилоятида янги sanoat, хизмат кўрсатиш ва ижтимоий соҳа мажмуалари ишга туширилди. Уларда цемент, ип-калава, тўқимачилик, фармацевтика, бойитилган каолин, кимё маҳсулотлари, томчилатиб суғориш шланглари, рангли металллар ишлаб чиқарилади. Умуман, мазкур корхоналарда 3 мингдан зиёд янги иш ўрни яратиш режалаштирилган.



Гулчехра ЖЎРАЕВА,
Фарғона вилояти оила ва хотин-қизлар бошқармаси бошлиғи ўринбосари, вилоят Кенгашидаги Ўзбекистон ХДП гурӯҳи аъзоси:

Аҳолини ижтимоий ҳимоялаш, бандлигини таъминлаш давлатимиз сиёсатининг энг устувор йўналишларидан бири саналади. Бунинг учун аввало ижтимоий-иқтисодий масалалар ҳал этилиши лозим. Хусусан, одамларни ўйли ва ишли қилиш, ўз фаолиятини йўлга қўймоқчи бўлганларни қўллаб-қувватлаш муҳим. Чунки ҳамма ҳам ташаббускор бўлавермайди. Фаоллик кўрсатаётганлар эса атрофидагиларни ҳам ана шунга рағбатлантиради, одамларнинг бандлигини таъминлайди, энг камида ўзи иқтисодий қарам бўлмайди. Имкони бор одам катта орзу-мақсадлари сари қадам ташлайди, дунёқараши ҳам, режалари ҳам ўзгаради.

Шу билан бирга, солиқ тўловчилар сафи кенгаяди. Бюджет тушумлари миқдори ортади. Бу эса янги мактаб, боғча, тиббиёт масканлари, замонавий спорт майдончалари-ю пенсия ва нафақаларнинг ошишини аниқлатади. Бир сўз билан айтганда, турмуш фаровонлигига хизмат қилади.

Аммо бунинг учун ёндашув муҳим. Давлатимиз раҳбари таъкидлаганидек,



солиқчилар тадбиркорларга пул ундириш нуқтаи-назаридан эмас, балки уларни қўллаб-қувватлаш орқали ўстириб, солиқ базасини кенгайтириш манбаи сифатида қараши зарур.



Дилбар МАМАДЖАНОВА,
Олий Мажлис Қонунчилик палатаси депутати, Ўзбекистон ХДП фракцияси аъзоси:

— Тинчлик ва хотиржамлик. Бу икки сўз замирида нафақат бирор бир мамлакат, балки бутун инсониятнинг тараққиёти учун хизмат қиладиган тушунчалар мужассам. Сабаби,

Давлатимиз раҳбари Фарғонага ташрифи давомида билдирган фикрлардан шунга яна бир қарра амин бўлдим. Чунки одамларни рози қилиш учун аввало уларнинг ижтимоий-иқтисодий муаммоларини ҳал этиш зарур. Вилоятда бўлиб ўтган видеоселектор йиғилишида қайд этилган масалалар чуқур ўйлашга, ичимизни, ўзимизни ислоҳ қилишга ундагани рост.

Таъкидланганидек, вилоятда бўлиб ўтган сайловолди учрашувида Фарғона аҳолиси турмуш шароитини янада яхшилаш, вилоят иқтисодиётига фаол инвестициялар жалб қилиб, аҳоли даромадларини ошириш бўйича катта марралар олинди. Ҳамюртларимиз бугун аниқ натижаларни кутяпти. Шу сабабли ҳокимлар ёки вазирлар янги қурилган объектларни кўрсатиш билан қутулмаслигига урғу берилди. Масалага ичкаридан ўрганиш ва баҳо бериш орқали кимнинг қандай ишлаётгани намойён бўлади.

Умуман, мамлакат етакчиси Фарғонадаги ишларга танқидий-таҳлилий нуқтаи назар билан ёндашиб, кескин чоралар кўрди. Чунки кўплаб йўналишларда олдинги қаторда бўлиб келган вилоятда бугун қониқарсиз натижалар олинмапти. Масалан, инвестициялар жалб қилиш кўрсаткичлари ўтган йилга нисбатан қарийб икки баробар камайиб кетгани рақамлар билан айтиб ўтилди.

Шунингдек, бир пайтлар sanoat ўсиши бўйича пешқадамлардан бири бўлган Фарғона ўтган олти ойдаги натижалар сабаб 12-ўринга тушиб кетган. Бунга сабаб ҳамма туманда ҳам фаолият бирдек йўлга қўйилмагани экани билдирилди. Аҳолини арзон ва сифатли уй-жойлар билан таъминлаш бўйича ҳам аҳвол яхши эмас. Жорий йилда вилоятда қурилиши режалаштирилган 212 та уй-жойдан бугунги кунгача 42 таси фойдаланишга топширилган, холос.

Соҳалар кесимида рақамлар таҳлил қилинар экан, бой берилган имкониятлар ва бунинг сабаблари ҳам айтиб ўтилди. Табиийки, масъулиятсизликка йўл қўйган раҳбарларга чоралар ҳам кўрилди.

Йиғилишда Президент топшириғига қўра, вилоятнинг ишга солинмаган имкониятларини аниқлаш ва уларни рўёбга чиқариш бўйича ҳар бир туман ва шаҳарга республикадан масъуллар бириктирилди.

Мисол учун, Бешариқда аниқланган захиралар ҳисобиغا, жорий йилда 100 миллион долларлик 19 та йирик лойиҳани бошлаш ва қўшимча 10 миллиард сўм солиқ тушумини таъминлаш учун барча имкониятлар бор. Бу орқали жорий йилнинг ўзида 14 минг аҳоли доимий иш жойи, даромад манбаига эга бўлади.

Президент Фарғонада бошланган ушбу тажрибани барча ҳудудларда йўлга қўйиш учун йил якунигача қадар “сафарбарлик” эълон қилди.

Саврон МИРЗАЕВ,
Пискент туман Кенгашидаги Ўзбекистон ХДР гурӯҳи аъзоси:

— Яна бир масала. Тан олиш керак, субсидиялар ўз вақтида эгаларига етиб боришини таъминлаш ҳам сусткашликларга йўл қўйилмоқда. Маҳалла раислари ва ҳоким ёрдамчилари ташкилотчилигида бандлик, ёшлар ва аёллар жамғармалари орқали берилаётган субсидиялар, оилавий кредитлар ҳисобидан меҳнат қуроли ва тадбиркорлик учун зарур маҳсулотларни харид қилиш тизими яхши ишламаётгани таъкидланди.

Масалан, маблағлар аҳолига тўғридан-тўғри берилмайди. Маҳаллабай ва ёшлар агентликлари ҳамда Марказий банкнинг “маркет плейслари” орқали “тендерларда голиб бўлган таъминотчиларга” ўтказиб берилади. Яъни, танлов йўқ, агентлик ёки банкнинг электрон платформаларидаги сотувчилар нимани қанча нархда таклиф қилса, одамлар шуни олишга мажбур бўлмоқда. Уларнинг барчаси партияимиз электорати вакиллари ҳисобланади.

Аҳолида танлаш имконияти етмаганидай, таклиф қилинаётган маҳсулот ва хизматлар бозордан 20-25 фоиз қиммат. Натijaда олинаётган кредит маблағлари оилаларни янада қийин аҳволга солиб қўйиш ҳолатлари тез-тез учрамоқда. Олинган қарзни қайтариш билан боғлиқ муаммолар эса банклар ва одамлар ўртасидаги тушунмовчиликларга сабаб бўлмоқда. Шу сабабли Бош прокуратура, Ҳисоб палатасига имтиёзли маблағлар ҳисобидан аҳолига маҳсулот ва хизматлар тақдим қиладиган “маркет плейслар” фаолияти шаффофлигини текшириш топширилди.

Албатта, биз буни қўллаб-қувватлаймиз. Лекин бу қўллаш амалий иш, аниқ натижа билан бўлиши зарур. Умумий танқид билан депутатлар ишида самара кўринмайди, номига ёндашув депутатга, партияимизга ҳам обрў олиб келмайди. Шунинг учун ҳар бир ҳудуддаги партия гурӯҳи субсидиялар самарадорлиги бўйича режа асосида фаолият юритиши шарт.

Ҳимоя ва қўллаб-қувватлашга ажратилаётган маблағлар ўз эгаларига тўғридан-тўғри етиб бориши ва унинг кўпроқ маҳсулот ҳамда хизматларга сарфланиши аҳолининг иқтисодий фаоллигини оширишга замин бўлади. Биз бу тизим тўғри ишлаши учун ўзимизни жавобгарлардан бири, деб билишимиз зарур.

Қўш саҳифани “Ўзбекистон овози” муҳбири Зилола УБАЙДУЛЛАЕВА тайёрлади.



